

## Каспийск района комсомольск конференц кӧдлмшин дуту-дундиг кӱцднъ илдкв

Каспийск района комсомольск XV конференц, багъчудин политическ медрльнъ бодлад, Советск государствин дӧчи джилӧ бӧнӧ байрт шунмгъа кевӧр белдвр кеджӧхлӧ харгъдж кегдв.

Эклд комсомольск организацин тооцана болн сунъгъврин хургудин аш хӧлӧхлӧ, района комсомольск организац багъчудт коммунистическ сургъмдж дасхлгъан ясулсинь, тедниг бӧнӧн бӧӧх эдлахун туск тӧрмӧд кӱцӧлгънд ордулсиг медӧлнӧ.

Тооцана заамд загъс бӧрлгънд болн загъсна промышленностин кӧдлмшт 200 комсомольцнр, бас теду шаху багъчуд илгӧгддж, теднӧс реюшечн 7 звено, шуӧгӧлин 2 звено, ӧрвнц онъгъчин нег звено, консервн цехд, тенъгсӧр усчдж йовдг 6-ч номертӧ заводт, холодильникин дизельн отделенъд кӧдлгънд йовулгдв, дакад хӧбчнрин 6 бригад болн темс ургъалгъна 3 звено бӧрдӧгдв.

Октябрин 40-ч джилӧ бӧниг днилвртӧ тосхин тӧлӧд „2-я пятилетка“ колхозин комсомольцнр октябрин 5-с ноябрин 5 кӧртл кӱч-кӧлснӧ вахт зарлад, „Красный моряк“ колхозин комсомольцнриг болн багъчудиг гурвдгч кварталин загъс бӧрлгънӧ зурагъан днилвртӧгъӧр кӱцӧхмн гидж социалистическ дӧрлдӧнд дуудв.

Эн дӧрлдӧнд сӧн днилвр бӧрджӧхнъ Арищенко Александрин, Рогачевин звеносин комсомольцнр, эдн III-ч кварталин загъс бӧрлгънӧ зурагъан 146 процент кӱцӧв. III-ч кварталин зурагъан Очир-Гаряевин болн Бадма-Гаряевин звенос давулдж кӱцӧгъӧд, теднӧс улддж йовхш. Загъсна

комбинатин багъчудин цехин комсомольцнр Семенов В., Пчелинцев В., Перегудова Р., Тешина болн нань чигн улс дӧрлдӧнд ик днилвр бӧрцхӧв, производственн даалгъван 120-180 процент кӱцӧцхӧв.

Му биш узмджтӧ кӧдлмш багъ наста хӧ бсгӧчнр узӧлджӧнӧ, Шунгурцуковин бригадин комсомольцнр хӧн бӧлгънас 5,8 килограмм ноос киргъдж авхин орчд 6,2 килограмм киргъдж авцхав. „Оленичевский“ совхозин багъчудас бӧрдсн Тожбаев хӧбчн бригад 100 хӧбнӧс 110 хургъ авад, теднӧн цугтнъ гару уга хадгълв.

Тооцана джилин ӧргд комсомолин зерглӧнд 112 нур йовгч багъчуд орв.

Конференцин делегатнр ним сӧн днилврумуд заасн деерӧн, района болн эклд комсомольск организацин кӧдлмшт дуту-дунд йовдлмуд бӧӧхиг илдкдж келцхӧв.

Зӧрм комсомольск организац производствин кӧдлмшт комсомольцнр ягъдж орлцдж йовхд онъган бгхш, социалистическ дӧрлдӧ сулар делгрӧлнӧ гидж заацхав. „Каспиец“ колхозин багъчуд намрин путиниг сӧн белдвр угагъар тосв. Колхозд багъчудин нег чигн звено уга, комсомольцнрнъ тару йовдж кӧдлцхӧнӧ, дӧрлдӧнд хӧтӧрӧр орлцна, багъчуд дунд улмӧнъ багъ.

— Бидн звенос хоорндан дӧрлдӧ келӧвдн, дӧрлдӧн ягъдж йовхинъ кӱн шуудж хӧлӧхш, комсомольск комитетс дӧрлдӧнӧ ашиг сӧӧнӧр диглхш, терӧгӧн багъчудт медӧлдж цӧӧлгъхш — гидж делегат Арищенко келв.

Эврӧннъ района болн маднла дӧрлдӧ кеджӧх Лиманнӧй района нур йовачнрин сӧн узмджтӧ кӧдлмшин дамшлтиг олнд медӧлдж тархаш гидж делегат Соколков заав.

Района комсомольск организацин кӧдлмшиг делегатнр шалгъдж келцхӧв. Багъчудин дунд цӧӧлгъврин кӧдлмш сул болсн учрар зӧрм багъчуд кӱч-кӧлснӧ диг-дара эвдӧд, бӧӧх бӧӧдлӧн буру йовдл гаргъад йовцхав. Комсомолин комитетс багъчудин культурн-бытовой бӧӧдлд онъган сулар тӧвнӧ. Нидн джил бурдӧгдсн комсомольск 25 политшколас 8 школ программачилӧсн уга, комсомолин района комитет эн школмудиг сулар гардв, медрлтӧ пропаган-дистнрӧр тетгсн уга. Эн джил бас цуг комсомольцнр политсургъульд орджахш, багъчудиг асхнд дасдг школмудт орхиг кӱцӧ бурдӧсн уга, райкомин кӧдлӧчнр эклд комсомольск организацд хӧтӧрӧр ирцхӧнӧ гидж делегатнр заацхав.

Оля-Каспийск каналин тосхлтиг комсомольск тосхлт гидж зарлхмн, тер тосхлтд шунмгъа сӧн кӧдлмштӧ багъчудиг ВЛКСМ-н райкомин путевкӧр илгӧджӧхмн гидж конференц шиидв.

Конференц райкомин чледӧд шинӧс сунъгъв.

ВЛКСМ-н райкомин пленум б олснд, райкомин сеглӧтрмудт уурмӧд Тамаровский болн Годаев сунъгъгдв.

Б. АСАНОВ,

ВЛКСМ-н танъгъчин оргбюрон инструктор.